



Utmarksavdelinga Vestskog/SFSkog v/ Arve Aarhus

Referansar:
Dykkar:
Vår: 15/128 - 15/2070

Saksbehandlar:
Reidun Iden Lædre
reidun.i.ladre@meland.kommune.no

Dato:
04.02.2015

Deltaking i prosjektet forvaltning av hjortebestanden 2013-2017

Vedlagt følgjer vedtak.

Vedtaket er eit enkeltvedtak som kan påklagast, jf. Forvaltningslova (fvl) § 28. Klagefristen er 3 veker rekna frå den dagen vedtaket vart mottatt, jf. fvl § 29 1.ledd. Det er nok at klagen er postlagt innan fristen går ut. Klagen skal sendast skriftleg til det forvaltningsorgan som har gjort vedtaket. I klagen skal det gå fram kva som vert påklaga (vedtak) og kva endringar ein ynskjer, jf. fvl § 32. Klagen skal grunngjevast.

Med helsing

Reidun Iden Lædre
konsulent

Andre mottakarar:

Sakspapir

Saksbehandlar	Arkiv	ArkivsakID
Marius Flemmen Knudsen	FA - K40	15/128

Saksnr	Utvalg	Type	Dato
05/2015	Utval for drift og utvikling	PS	27.01.2015

Deltaking i prosjektet forvaltning av hjortebestanden 2013-2017

Vedlegg:

Forvaltning-av-hjortebestand-2013-2017

Saksopplysningar:

Bakgrunn

Utmarksavsdelinga Vestskog/SFSkog har gjennom prosjektet Forvaltning av hjortebestand 2013-2017, laga eit framlegg til framtidig forvaltning av hjort i Hordaland, gjennom bruk av bestandsplanar over større einingar enn dei administrative einingane me har i hjorteforvaltninga idag. Prosjektet sitt hovudmål er å etablere bestandsforvaltning av hjort på Vestlandet. Dette skal gjerast ved å indentifisere, definere og kartfeste bestandsområde/ natulerlege avgrensningar for hjort, basert på den kunnskapen som er om hjortens arealbruk. Dette skal også koplast saman med lokalkunnskap om dei ulike områda. Arbeidet skal gjerast uavhengig av dagens administrative einingar (kommunane), med hjortens arealbruk som den styrande faktoren. I dei definerte bestandsområda skal det etablerast ei felles forvaltning, som inkluderer organisering, oppstart og drift av desse nye forvatningsorgana. I tillegg skal det etablerast gode, fagleg kvalitetssikra rutinar for å analysere og vurdere bestandsforhold for kvart område.

Prosjektet legg til grunn at hjorten bør forvaltast i større einingar enn i dag. Bakgrunnen for dette er at forskninga viser at hjorten brukar større område enn tidligare antatt, gjerne fleire kommuner gjennom året. I dag blir hjorten forvalta innanfor kvar enkelt kommune, enten ved bestandsplaner for dei enkelte vald eller ved retta avskytning.

Vurdering

Mykje av det arbeidet som krevs for å nå måla er allereie godt i gang, og prosjektet har kome langt i arbeidet med bestandsplanområder. Det har blitt utarbeidd kart over Hordaland med forslag til bestandsplanområde. Meland kommune er saman med Askøy, Lindås, Radøy, Austrheim og Fedje eit bestandsplanområde. Dette er basert på den kunnskapen som fins om hjortens arealbruk i og imellom desse kommunane. Det er faste trekkruiter frå Meland både til Askøy og til Radøy. Mykje av kunnskapen knytt til foreslåtte bestandsplanområde kjem frå merkeprosjektet på hjort som var i Hordaland, der Meland kommune bidrog med midlar. I bestandsområdet, som Meland kommune er ein del av, har også valdleiarane og grunneigarne hatt høve til å koma med innspel og vurderingar basert på den lokalkunnskapen dei har, om trekkruiter og vandringsmønster i og mellom kommunane.

Bestandsplanområdet vil ikkje medføre nokon endringar i forvaltningseininga (vald og storvald) i Meland, då dette ikkje er målet. Målet med eit felles bestandsplanområde for dei 6

kommunane er å ha ein felles strategi for korleis ein skal forvalte hjortebestanden felles for alle kommunane. Hjortebestanden i Meland er ikkje ein eigen isolert bestand, og korleis ein forvaltar bestanden i våre nabokommunar vil difor ha betydning for bestanden i eigen kommune. Det vil være frivillig for valda og storvalda i kommunen om dei vil være med på den felles bestandsplanen. Men det vil være ei stor føremon for alle valda og for Meland kommune om ein har ei mest mogelig heilskapleg og langsiktig bestandsforvaltning, over meir eller mindre heile bruksområdet for hjortebestanden. Ei heilskapleg og langsiktig forvaltning vil gjere det lettare å halda ein mest mogelig stabil bestand på eit ynskjelig nivå, og ein kan unngå store svingningar i bestanden.

Me veit stadig meir om hjortens arealbruk og vandringsmønster, og nyare forskning viser at me ikkje driv ein bestandsforvaltning på store nok arealeiningar. Forvaltninga av hjort skal vere kunnskapsbasert, det betyr at forvaltninga må tilpassast best mogelig til den kunnskapen ein har til rådvelde. Hjorten brukar areal på tvers av dei administrative einingane me har både på valdnivå, kommunenivå og regionsnivå. Det vil difor vere å styrke den kunnskapsbaserte forvaltninga å forvalte hjorten på eit einingsnivå som stemmer meir med hjortens arealbruk og arealkrav enn det me har i dag. I dei seinare åra har det blitt lagt opp til at grunneigarane i storst mogeleg grad skal forvalta hjorten gjennom bestandsplanar, medan kommunen skal lage et rammeverk for dette ved forvaltningsmål for bestanden. Deltaking i prosjektet vil styrke den grunneigarstyrte forvaltninga ved at fleire grunneigarar på tvers av kommunane sjølve kan forvalte bestanden av hjort.

Det vil vere frivillig for valda å vere med i bestandsplanen, men det vil styrke den haustbare ressursen som hjorten er, om alle blir med. I Meland kommune er det i dag tre storvald som har bestandsplanbasert avskyting. Det vil sei at storvaldet legg fram ein bestandsplan for ein tidsavgrensa periode, som regel 3 år. I denne planen legg valda fram kor mykje hjort dei ynskjer å fella basert på deira areal og på dei måla som kommunen har for hjortebestanden. Denne planen legg også fram kor mange av dei ulike typane dyr som skal fellast kvart år.

Ein bestandsplan som blir utarbeidd for kommunane Meland, Radøy, Austrheim, Fedje, Lindås og Askøy vil bli ein liknande bestandsplan som for eit vald, men på eit høgare nivå. Dette gjer at ein får ei meir heilskapleg forvaltning av hjortebestanden på tvers av kommunegrensene. Både før og under jakt vert det samla inn informasjon om bestanden av hjort. Det kan vere vår-teljingar, sett hjort eller slaktevektar. Desse kjeldene til informasjon om korleis hjortebestanden er oppbygd demografisk, dyretetthet og kondisjon vil koma meir til nytte og gje eit mykje betre grunnlag som informasjon for eit større bestandsplanområde enn for det einskilde vald. Administrasjonen skal i løpet av våren 2015 ha møte med leiarane av alle valda i kommunen, der deltaking i dette prosjektet vil vere eit av fleire tema. Administrasjonen vil påpeike at deltaking i dette prosjektet vil vere til stor nytta for vald, grunneigarar og kommunen, men vil samtidig understreke at deltaking vil være frivillig.

Det har i løpet av hausten 2014 blitt halde møte om bestandsplanområde som Meland kommune er ein del av. Her var det mogeleg for både grunneigarar, valdleiare og andre interesserte å få høyre kva som er grunnlaget for dette bestandsplanområdet, og gje tilbakemeldingar på om dette stemmer med den lokalkunnskapen dei har for sitt lokale område.

Prosjektet vert finansiert av dei kommunane som deltek, Hordaland Fylkeskommune og Miljødirektoratet. Det vil vere ein årleg kostnad på kr 25.000 for Meland kommune om me skal delta i prosjektet. Denne kostnaden kan finasierast med midlar frå det kommunale viltfondet, då det er innanfor dei tiltak som viltfondet kan nyttas til. Viltfondet i kommunen vil truleg ikkje ha nok midlar til å dekke inn kostnaden for å delta helt fram til 2017. Dersom kommunen ynskjer å delta men ikkje har nok midlar innestående på viltfondet, kan dette bli finansiert av statlege eller regionale viltfondsmidlar. Dette vil for Meland kommune sei at

dersom me ynskjer å delta, er det mogelig utan ekstra løyvingar.

Vidare framover i prosjektet vil dei ulike valda i kommunane få tilbod om å vere med i bestandsplanområdet. Utmarksavdelinga Vestskog/SFSkog vil bistå i prosessen med utarbeiding av planen, etablering av forvaltningseinga og bidra til at det vert innarbeidd rutinar for å handtere den informasjonen som kjem inn og som er med på å leggje grunnlaget for bestandsplanane.

Konklusjon

For å få ein best mogelig forvaltning som samsvarer med hjortens arealbruk, og styrke den kunnskapsbaserte forvaltninga av hjort vil deltaking i prosjektet vere eit viktig tiltak. Samstundes vil dette ytterlegare styrke den grunneigarstyrte forvaltningen.

Framlegg til vedtak:

«Utvalg for drift og utvikling godkjenner vidare deltaking i prosjektet Forvaltning av hjortebestand 2013-2017, slik det går fram av saksutgreiinga».

Utval for drift og utvikling - 05/2015

UDU - behandling:

UDU - vedtak:

«Utvalg for drift og utvikling godkjenner vidare deltaking i prosjektet Forvaltning av hjortebestand 2013-2017, slik det går fram av saksutgreiinga».